

UCS.....B:2024

ХУДАЛДАА ҮЙЛЧИЛГЭЭ



Автомашин угаалгын газарт тавигдах ерөнхий шаардлага

Улаанбаатар хот
2024 он

ГАРЧИГ

1. ХАМРАХ ХҮРЭЭ	4
2. НОРМАТИВ ЭШЛЭЛ.....	4
3. НЭР ТОМЬЁОНЫ ТОДОРХОЙЛОЛТ	4
4. АВТОМАШИН УГААЛГЫН ГАЗАР ТАВИГДАХ ЕРӨНХИЙ ШААРДЛАГА	5
5. АВТОМАШИН УГААЛГЫН ГАЗРЫН ТӨРӨЛ, АНГИЛАЛ	5
6. АВТОМАШИН УГААЛГЫН ГАЗРЫН ГАДНА ОРЧИНД ТАВИГДАХ ШААРДЛАГА	7
7. АВТОМАШИН УГААЛГЫН ИНЖЕНЕРИЙН ШУГАМ СҮЛЖЭЭНД ТАВИГДАХ ШААРДЛАГА	10
8. АВТОМАШИН УГААЛГЫН ГАЗРЫН ДОТОР ОРЧИНД ТАВИГДАХ ШААРДЛАГА	11
9. ТУСГАЙ ШААРДЛАГА.....	12
10. ШАЛГАХ ХУУДАС	12
АШИГЛАСАН МАТЕРИАЛЫН ЖАГСААЛТ.....	14

Зургийн жагсаалт

Зураг 1. Автомашиныг гар аргаар угаах үйл ажиллагаа (Жишээ зураг).....	6
Зураг 2. Автомашиныг хагас механикжсан аргаар угаах үйл ажиллагаа (Жишээ зураг).....	6
Зураг 3. Автомашиныг механикжсан аргаар угаах үйл ажиллагаа (Жишээ зураг).....	7
Зураг 4. Автомашин угаалгын газрын гадна гэрэлтүүлэг (Жишээ зураг).....	8
Зураг 5. Автомашин угаалгын газрын гадна камер (Жишээ зураг).....	8
Зураг 6. Утаат тамхи татах цэг (Жишээ зураг).....	9
Зураг 7. Автомашин угаалгын газрын гадна хаяг, байгууллагын нэрийн бичвэр (Жишээ зураг).....	9
Зураг 8. Хог түр хадгалах цэг (Жишээ зураг).....	10
Зураг 9. Автомашин угаалгын газар (Жишээ зураг).....	11

Хүснэгтийн жагсаалт

Хүснэгт 1. Автомашин угаалгын газрын төрөл, ангилал (жишээ зураг).....	
Хүснэгт 2. Шалгуур үзүүлэлт	12

ХУДАЛДАА ҮЙЛЧИЛГЭЭНИЙ ГАЗРЫН ГАДНА ОРЧИН

АВТОМАШИН УГААЛГЫН ГАЗАРТ ТАВИГДАХ ЕРӨНХИЙ ШААРДЛАГА

1. ХАМРАХ ХҮРЭЭ

Энэхүү стандартыг нийслэлийн нутаг дэвсгэрт автомашин угаалгын үйлчилгээ эрхлэгч иргэн, аж ахуйн нэгж байгууллага, түүнд хяналт тавих эрх бүхий байгууллага, албан тушаалтан дагаж мөрдөнө.

2. НОРМАТИВ ЭШЛЭЛ

Энэхүү стандартад эш татсан дараах барилгын норм ба дүрэм, стандартад өөрчлөлт орсон тохиолдолд хамгийн сүүлийн эх материалыг үндэслэл болгоно.

- БНБД 31-03-03 Олон нийт, иргэний барилгын норм ба дүрэм;
- БНБД 32-01-06 Хот суурины гудамж, зам төлөвлөлтийн норм ба дүрэм;
- БНБД 30.01.04 Хот тосгоны төлөвлөлт, барилгажилтын норм ба дүрэм;
- БНБД 3.01.06-09 Барилгын орчны тохижилтын ажил;
- MNS 5347:2003 Автомашины угаалгын үйлчилгээ. Ангилал, Ерөнхий шаардлага;
- MNS 5025:2020 Авто үйлчилгээнд тавих. Ерөнхий шаардлага;
- MNS 5342 Авто зогсоол. Ангилал ба ерөнхий шаардлага;
- MNS 5021 Жижиглэн худалдааны газар, түүний үйлчилгээ, ерөнхий шаардлага;
- MNS 5011 Автотээврийн хэрэгслийн техникийн хяналтын үзлэг хийх заавар. Ерөнхий шаардлага;
- MNS 4596 Авто замын тэмдэг, тэмдэглэл, гэрлэн дохио, хашилт, чиглүүлэх хэрэгслүүдийг хэрэглэх дүрэм;
- MNS 4597 Авто замын тэмдэг. Техникийн ерөнхий шаардлага;
- MNS 4759 Авто замын тэмдэглэл. Техникийн ерөнхий шаардлага;
- MNS 5537 Автозамын дагуух үйлчилгээний цогцолбор. Ангилал, ерөнхий шаардлага;
- UCS 0902B:2022 Тээврийн хэрэгслийн ил зогсоолыг төлөвлөх, байгуулахад тавигдах ерөнхий шаардлага;
- UCS 1201B:2022 Худалдаа үйлчилгээний газрын гадна орчны ерөнхий шаардлага;
- UCS 1703A:2022 Аюултай хог хаягдлын менежмент;
- UCS 1701A:2022 Хог хаягдлыг цуглуулах, ангилах, хадгалах, тээвэрлэх арга зүйн менежмент.

3. НЭР ТОМЬЁОНЫ ТОДОРХОЙЛОЛТ

Автомашины угаалга– гэж автомашины өнгө үзэмж, ариун цэврийг сайжруулах, эдэлгээг уртасгах, техникийн үйлчилгээ засварын ажил хийхийн өмнө болон сүүлд, зорчигчдод тав тухтай үйлчлэх нөхцөлийг бүрдүүлэхэд чиглэсэн угаах, хатаах өнгөлөх үйл ажиллагаа;

Угаалгын технологи– гэж автомашин угаах, хатаах, өнгөлөх ажилбаруудыг шаардлага хангасан барилга байгууламжид зориулалтын багаж хэрэгсэл, тоног төхөөрөмжийн тусламжтайгаар тодорхой цаг хугацаанд зохих нөхцөл шаардлагын дагуу мэргэжлийн түвшинд хийж гүйцэтгэх ажлын дараалал;

Технологийн карт– гэж угаах, хатаах, өнгөлөх ажилбаруудын дэс дараалал, ажиллах боловсон хүчин, угаалгын багаж хэрэгсэл, тоног төхөөрөмж, зохих нөхцөл шаардлага ажил гүйцэтгэх хугацаа зэргийг тусгасан техникийн баримт бичиг;

Угаагч– гэж автомашин угаах технологи ажиллагааг зохих шаардлагын дагуу хийж гүйцэтгэх мэргэшсэн ажилчин; тоног төхөөрөмж;

Угаалгын байр—гэж автомашины угаалга хийх нөхцөл шаардлага хангасан технологийн тоног төхөөрөмж, багаж хэрэгсэл бүхий ажиллах орчин;

Саарал ус— Ашигласан усаа тусгай технологи ашиглан төхөөрөмжөөр эргүүлэн шүүж, тунгаан дахин ашиглах боломжтой усыг;

Хаягдал ус—гэж ахуйн хэрэглээ болон үйлдвэрлэл, үйлчилгээнээс гарч байгаа бохир ус, шингэн хаягдал;

Хаягдал усны стандарт— гэж усны бохирдлын эх үүсвэрээс гарч байгаа хаягдал усанд байж болох бохирдуулах бодисын зөвшөөрөгдөх дээд хэмжээг эрх бүхий байгууллагаар баталгаажуулсныг хэлнэ.

4. АВТОМАШИН УГААЛГЫН ГАЗАР ТАВИГДАХ ЕРӨНХИЙ ШААРДЛАГА

- 4.1. Автомашины угаалга эрхлэгч иргэн, хуулийн этгээд нь холбогдох хууль, тогтоомжийн дагуу зохих баримт бичгийг бүрдүүлсэн байна.
- 4.2. Автомашин угаалгын барилга байгууламж нь барилгын тухай хууль, холбогдох норм дүрэм стандартын шаардлагыг бүрэн хангуулж, ашиглалтад оруулсан байна.
- 4.3. Автомашин угаах ажил үйлчилгээ нь хүрээлэн байгаа орчин, оршин суугчдад сөрөг нөлөөлөл үзүүлэхгүй галын болон аюулгүй ажиллагааны шаардлага хангана.
- 4.4. Галын болон хөдөлмөрийн аюулгүй байдал, эрүүл ахуйн тухай хууль тогтоомж, стандарт нормын хангуулж, ажилчдын эрүүл аюулгүй орчин нөхцөлийг бүрдүүлсэн байна.
- 4.5. Авто угаалгын газарт саарал усыг цэвэршүүлэх технологи(цэвэрлэсэн хаягдал ус)-ийг ашиглана.
- 4.6. Автомашин угаасан усыг MNS 6734:2018 стандартын дагуу цэвэршүүлж, дахин ашиглах зориулалт бүхий тоног төхөөрөмжтэй байна.
- 4.7. Аюултай ачаа тээвэрлэгч аж ахуй нэгж байгууллага нь MNS 5347:2003 стандартын дагуу аюулгүй байдлыг хангасан, тусгай тоноглол бүхий угаалгын газартай байна.
- 4.8. Гарал үүслийн гэрчилгээтэй, үйлдвэрлэгчээс тогтоосон баталгаат болон хадгалах хугацаа хэтрээгүй, чанарын шаардлага хангасан угаагч бодис хэрэглэнэ.
- 4.9. Автомашин угаалгын газрын байршлын төлөв байдал, чанарын үнэлгээ, хөрсний бохирдлын судалгааг хийлгэж, чанар стандарт MNS 5850:2019-т харьцуулсан дүн мэдээг 5 жил тутам холбогдох түвшний байгууллагуудад мэдэгдэх.
- 4.10. Шинээр байгуулах болон одоо ажиллаж байгаа авто угаалгын газар нь байгаль орчны нөлөөллийн ерөнхий үнэлгээг гаргуулж мөрдөн ажиллана.

5. АВТОМАШИН УГААЛГЫН ГАЗРЫН ТӨРӨЛ, АНГИЛАЛ

Автомашин угаахад ашиглаж байгаа тоног төхөөрөмж, багаж хэрэгслийн ажиллагаанаас хамааруулан гар аргаар, хагас механикжсан аргаар, механикжсан аргаар угаах гэж гурав ангилна.


Машин угаах процесс	Автомашиныг гар аргаар угаах	Автомашиныг хагас механикжсан аргаар угаах	Автомашиныг механикжсан аргаар угаах
Автомашины гадна талыг цахилгаан насостай шүршигч хошуугаар шүрших	✓		
Автомашины гадна талыг эргэлдэгч сойз бүхий механикжсан шугамаар оруулж угаах		✓	✓
Машины дотор талыг хог, тоос шороог тоос	✓	✓	✓

сорогчоор соруулж, гар аргаар угаах			
Шахсан хий болон зөөлөн хөвсгөр алчуур хэрэглэж хатаах	✓	✓	
Хатаалтын шугаманд оруулж халуун хийгээр үлээлгэн хатаах			✓
Зориулалын өнгөлгөөний нунтаг ашиглан гараар өнгөлнө	✓	✓	✓


Хүснэгт 1. Автомашин угаалгын газрын төрөл ангилал (Жишээ зураг)



Зураг 2. Автомашинг гар аргаар угаах үйл ажиллагаа (Жишээ зураг)



Зураг 3. Автомашинг хагас механикжсан аргаар угаах үйл ажиллагаа (Жишээ зураг)



Зураг 4. Автомашиныг механикжсан аргаар угаах үйл ажиллагаа (Жишээ зураг)

6. АВТОМАШИН УГААЛГЫН ГАЗРЫН ГАДНА ОРЧИНД ТАВИГДАХ ШААРДЛАГА

6.1. Барилга, байгууламжид тавигдах шаардлага

- Суурин угаалгын газрын цэвэрлэх байгууламж нь угаалгын газраас 6 метрээс доошгүй зайд байрлана.
- Автомашин угаалгын барилга байгууламж нь агааржуулах, гэрэлтүүлэх, дулаацуулах системээр бүрэн хангагдсан байна.
- Автомашин угаалгын үйлчилгээний барилга байгууламж “Барилгын норм дүрэм” СНИП-II-93-74-т заасан норматив шаардлагыг хангасан байна.

6.2. Гадна зогсоолд тавигдах шаардлага

- Автомашин угаалгын газар нь хүчин чадлаасаа хамааран 10-аас доошгүй хүлээлгийн зогсоолтой, UCS 0902B:2022 Тээврийн хэрэгслийн ил зогсоол төлөвлөх, байгуулахад тавигдах ерөнхий шаардлага хотын стандартын шаардлагыг хангасан байна.
- Хот суурины гудамж зам талбайн төлөвлөлт БНБД 32-01-06 норм дүрэм, стандарт шаардлагын дагуу автомашин тавьж байршуулахад зориулсан хатуу хучилт бүхий тэгш талбайтай байна;
- Авто тээврийн хэрэгсэл байрлуулах зогсоолын байрлалыг цагаан зураасаар, аюулгүйн тэмдэглэгээг шар зураасаар стандартын дагуу тэмдэглэнэ;
- Авто зогсоол нь борооны ус зайлуулах байгууламжтай байх ба хучилтын гадаргуугийн усыг далд байгууламжаар шийдэж “Хот, тосгоны нутаг дэвсгэр, зам талбайгаас бороо, цасны усыг зайлуулах ажлын зурагт төсөл, тооцооны норм” /БД 40-302-13/-г баримтлан төлөвлөнө.

6.3. Гэрэлтүүлэг, хяналтын камерын систем

- Гадна гэрэлтүүлэг нь автомашин газрын гадна болон дотно орчинг бүхэлд нь гэрэлтүүлэх боломжтой байх бөгөөд “UCS 1901B:2022 Гэрэлтүүлэх төхөөрөмжийг төлөвлөх, байрлуулах, суурилуулах удирдамж”, “UCS 1901B:2022 Гэрэлтүүлэгт тавигдах шаардлага” хотын стандартуудын шаардлагыг хангасан байна;



Зураг 5. Автомашин угаалгын газрын гадна гэрэлтүүлэг (Жишээ зураг)


- Үйлчлүүлэгчид болон ажилчдын аюулгүй байдлыг хамгаалах, аливаа зөрчлөөс урьдчилан сэргийлэх зорилгоор гадна, дотор орчныг хянах камер суурилуулна.
- Хяналтын камер нь “Теле хяналтын системийн техникийн ерөнхий шаардлага” MNS 6423:2019 стандартын шаардлагыг хангасан байна.



Зураг 6. Автомашин угаалгын газрын гадна камер (Жишээ зураг)

6.4. Утаат тамхи татах цэг

- Утаат тамхи татах зөвшөөрөгдсөн цэг байгуулах үйл ажиллагаанд “Тамхины хяналтын тухай хууль”-ийг мөрдлөг болгоно;
- Утаат тамхи татах зөвшөөрөгдсөн цэгийг явган хүний зам дээр байгуулахыг хориглох бөгөөд тухайн байгууламжийн төрлөөс хамааруулан явган хүний замаас хамгийн багадаа 5-10 метрийн зайд байрлуулна;
- Утаат тамхи татах зөвшөөрөгдсөн цэгийн тамхи хаях хогийн сав нь зориулалт бүхий тасалгаатай, цэвэрлэх, халдваргүйжүүлэх боломжтой байна.



Зураг 7. Утаат тамхи татах цэе (Жишээ зураг)

6.5. Байгууллагын гадна хаяг, нэрийн бичвэрт тавигдах шаардлага

- Авто засвар үйлчилгээний байгууллагын нэр байршлын мэдээллийн самбарыг “UCS 1403В:2022 Гадна мэдээллийн байгууламжид тавигдах ерөнхий шаардлага” хотын стандартын шаардлагад нийцүүлэн байрлуулна;
- Самбарын бичвэр нь харагдахуйц, гаргацтай, өөрөөсөө буюу гаднаас гэрэлтүүлэгтэй, аудио болон дүрст видео төхөөрөмжөөр тоноглогдсон байж болно;
- Автомашин угаалгын газрын нэр, ажиллах цагийн хуваарь, бүтээгдэхүүн, үйлчилгээний мэдээллийг агуулсан байна;
- Шаардлагатай тохиолдолд байгууллагын нэрийн бичвэрийг англи хэлээр бичиж болох бөгөөд англи хэл дээрх бичвэр нь монгол бичвэрийн доод талд байрлаж, түүнээс 2 дахин бага өндөртэй байх, эсхүл Монгол /кирилл/ бичвэрийн зүүн гар талд байрлаж, түүнтэй ижил өндөртэй байна;
- Байгууллагын нэрийн бичвэр нь утга төгөлдөр, ойлгогдохуйц, өнгө дизайн сайтай, хотын үзэмжид нийцсэн, орчин үеийн технологийн шийдлийг ашигласан байх бөгөөд ашиглагч байгууллагын зүгээс арчилгаа засвар, үйлчилгээг хийж, өнгө үзэмж бүрэн бүтэн байдлыг тогтмол хангуулна.



Зураг 8. Автомашин угаалгын газрын гадна хаяг, байгууллагын нэрийн бичвэр

(Жишээ зураг)

6.6. Хог хаягдал түр хадгалах цэгт тавигдах шаардлага

- Автомашин угаалгын газар нь хог хаягдлыг түр хадгалах цэгийг байгуулахдаа “ UCS 1701A:2022 Хог хаягдлыг цуглуулах, ангилах, хадгалах, тээвэрлэх арга зүйн удирдамж” хотын стандартын баримт бичгийг мөрдлөг болгоно.
- Аюултай хог хаягдал хадгалах агуулах, ялган ангилах, тээвэрлэхэд Хог хаягдлын тухай хуулийн 25.3, MNS 6458:2014, UCS 1703A:2022 Аюултай хог хаягдлын менежмент хотын стандартуудад тусгагдсан шаардлагыг хангана.
- Хог хаягдлыг түр хадгалах эх үүсвэр дээр нь ангилан ялгасан байна.
- Хог хаягдал түр хадгалах цэг рүү орж хог ачих зориулалт бүхий орц гарцтай байхаар төлөвлөнө.
- Хог хаягдал түр хадгалах савнууд нь цаасан дахивар болон бусад хог хаях зориулалтыг заасан олон улсад хэрэглэгддэг мэдээлэх тэмдэгтэй байх ба хог хаягдлыг ангилах, ачих, цуглуулах технологид нийцсэн байх шаардлагатай.
- Лагийг үнэргүйжүүлэх, усгүйжүүлэх, хатаах технологи бүхий тоног төхөөрөмжийг ашиглаж болно.



Зураг 9. Хог түр хадгалах цэг (Жишээ зураг)

7. АВТОМАШИН УГААЛГЫН ИНЖЕНЕРИЙН ШУГАМ СҮЛЖЭЭНД ТАВИГДАХ ШААРДЛАГА

7.1. Цахилгаан шугам сүлжээ

- “Цахилгаан байгууламжийн дүрэм” БД 43-101-03 баримт бичгийг мөрдлөг болгоно.

7.2. Усан хангамж, Ариутгах татуурга

- Автомашин угаалгын инженерийн шугам сүлжээ нь “Барилгын норм дүрэм” СНИП-II-93-74-т заасан норматив шаардлагыг хангасан байна.
- Усан хангамж нь төвлөрсөн болон төвлөрсөн бус шугам сүлжээнд холбогдсон байна.
- Төвлөрсөн шугам сүлжээнд холбогдоход эрх бүхий байгууллагаас олгосон техникийн нөхцөлийн дагуу Хот, суурины ус хангамж, ариутгах татуургын ашиглалтын тухай хуулийн холбогдох заалтуудыг мөрдөнө.
- Төвлөрсөн шугам сүлжээнд БНбд 40-01-06 норм дүрмийн дагуу холбогдох ба бохир усны механик цэвэрлэгээний байгууламж болох шүүр, элс баригч, тунгаагууртай байна.
- Автомашин угаалгын газар нь бохир ус эргэж шүүж, тунгааж ашиглах тусгай төхөөрөмж ашигладаг байна.

- Автомашин угаалгын газар нь саарал ус ашиглах технологи, түүнд ашиглах төхөөрөмжийг угаалгын газрын төлөвлөлт байршил, барилгын хэлбэр хэмжээ техникийн нөхцөлтэй уялдуулан сонгоно.
- Угаалгаас гарсан, лаг, шавар хаягдлыг төвийн шугамд нийлүүлэхгүй, ил задгай хаяхгүй, зөвхөн зөвшөөрөгдсөн этгээдэд тусгай зориулалтын газарт хаяна.
- Хог хаягдал, бохирыг хүрээлэн буй орчинд сөрөг нөлөө үзүүлэхгүйгээр “Бохир ус. Лагийн чийглэг ба үнслэгийг тодорхойлох арга” MNS 5667:2006 болон “Хүрээлэн байгаа орчин. Усны чанар. Хаягдал ус. Ерөнхий шаардлага” MNS 4943:2015 үндэсний стандартуудын дагуу төлөвлөх

7.3. Халаалт, Агааржуулалтын систем

- Халаалт, агаар сэлгэлт ба кондиционер БНбд 41-01-11 норм дүрмийн дагуу барилга байгууламжийн өрөө тасалгааны дулан хангамж, халаалт агаар сэлгэлт, кондиционерийн системийг төлөвлөнө.

7.6 Угаалгын технологи

- Автомашин угаах зориулалттай ажлын байрны температур +5 °C-ээс дээш байна.
- Автомашины угаалга эрхлэгчийн технологийн тоног төхөөрөмж, багажид тавих шаардлагыг хангахад Автомашин угаалгын үйлчилгээ. Ангилал, Ерөнхий шаардлага” MNS 5347:2003 стандартыг баримтална.

8. АВТОМАШИН УГААЛГЫН ГАЗРЫН ДОТОР ОРЧИНД ТАВИГДАХ ШААРДЛАГА

- 8.1. Ариун цэврийн өрөө нь UCS 1401B:2022 Нийтийн бие засах газрын төлөвлөлт байгуулалтад тавигдах шаардлага хотын стандартын шаардлагыг хангасан байна.
- 8.2. Ажилчдын хувцас солих болон амрах байр, бие засах газартай байна.
- 8.3. Автомашин угаалгын газар нь үйлчлүүлэгчид зориулсан эрүүл ахуйн шаардлага хангасан хүлээлгийн болон ариун цэврийн өрөөтэй байна.



Зураг 10. Автомашин угаалгын газар (Жишээ зураг)

9. ТУСГАЙ ШААРДЛАГА

- 9.1. Хүрээлэн буй орчин түүний хөрс, ус ногоон бүсийг хамгаалах, бохирдуулахгүй байх, нөхөн сэргээх, ногоон байгууламжийг бий болгох. Иргэн аж ахуйн нэгжийн автомашин угаалгын газар байгуулах эзэмшил бүхий газрын 20 хувиас доошгүй талбайд зохих журмын дагуу мод тарьж, зүлэгжүүлэх /өөрийн эзэмшил талбайд тохижуулах боломжгүй бол нийтийн эзэмшлийн талбайд агаар орчны бохирдлоос сэргийлэх арга хэмжээг авч заавал хэрэгжүүлэх.
- 9.2. Нийтийн орон сууцны зориулалттай барилга байгууламжид зориулалтын бусаар үйл ажиллагаа явуулахыг хориглоно.
- 9.3. Автомашин угаах зорилгоор гүний худаг гаргаж, гүний цэвэр ус ашиглахыг хориглоно.
- 9.4. Химийн найрлагатай угаалгын бодис ашигласан усыг шууд хөрсөнд асгахыг хориглоно.
- 9.5. Химийн найрлагатай угаалгын бодис ашигласан ус хөрсөнд асгарч, алдагдсан тохиолдолд яаралтай авах арга хэмжээ авах төлөвлөгөөтэй байна.
- 9.6. Автомашиныг зориулалтын зогсоолоос бусад газарт тээврийн хэрэгсэл байрлуулахыг хориглоно.

10. ШАЛГАХ ХУУДАС

Автомашин угаалгын газарт тавигдах ерөнхий шаардлагыг хангаж байгаа эсэхийг Хүснэгт 3-ийн дагуу хянан шалгаж, хүлээн авна.

Хүснэгт 1. Шалгуур үзүүлэлт

№	Шалгуур үзүүлэлт	Тийм	Үгүй
1	Автомашин угаалгын үйлчилгээ явуулж буй барилга байгууламж нь баримт бичгийн норматив эшлэлд тусгагдсан стандарт, норм дүрмийн шаардлагуудыг хангаж байгаа эсэх	<input type="checkbox"/>	<input type="checkbox"/>
2	Автомашин угаалгын газрын гадна зогсоол талбай, түүний хучилт стандартын дагуу төлөвлөгдсөн эсэх	<input type="checkbox"/>	<input type="checkbox"/>
3	Гадна зам талбайд байршуулсан гэрэлтүүлэг нь стандартын шаардлага хангасан эсэх.	<input type="checkbox"/>	<input type="checkbox"/>
4	Барилгын гадна, дотно орчинд хяналтын камер байршуулсан эсэх	<input type="checkbox"/>	<input type="checkbox"/>
5	Замын хөдөлгөөнд саад учруулахааргүй аюулгүй байдлыг хангасан орц гарц бүхий төлөвлөлтэй эсэх	<input type="checkbox"/>	<input type="checkbox"/>
6	Яаралтай түргэн тусламжийн болон гал унтраах хэрэгсэл бүхий галын булантай эсэх	<input type="checkbox"/>	<input type="checkbox"/>
7	Барилга байгууламж, үл хөдлөх хөрөнгөд нэрийн болон хаягийн бичвэрийг "UCS 1403B:2022 Гадна мэдээллийн байгууламжид тавигдах ерөнхий шаардлага" хотын стандартын шаардлагад нийцүүлэн байрлуулсан эсэх	<input type="checkbox"/>	<input type="checkbox"/>
8	Автомашин угаалгын газар нь бохир усаа эргүүлэн шүүж, тунгааж ашиглах тусгай төхөөрөмжөөр тоноглогдсон эсэх	<input type="checkbox"/>	<input type="checkbox"/>

9	Ус эргүүлэн дахин ашиглах тусгай төхөөрөмжид саатал гарсан тохиолдолд бохир усыг гадагш алдахгүй байх нөөц төлөвлөгөөтэй эсэх.	<input type="checkbox"/>	<input type="checkbox"/>
10	Автомашин угаалгын барилга, байгууламжийн агааржуулах, гэрэлтүүлэх, дулаацуулах систем галын аюулгүйн багаж хэрэгслээр бүрэн хангагдсан, тэдгээр нь хэвийн ажиллагаатай эсэх	<input type="checkbox"/>	<input type="checkbox"/>
11	Автомашин угаалгын газрын барилга нь төвийн цэвэр бохирын шугамд холбогдсон эсэх	<input type="checkbox"/>	<input type="checkbox"/>

Хүснэгт 11. Автомашин угаалгын газрын төрөл ангилал (Жишээ зураг)

Тайлбар: Автомашин угаалгын газар нь дээрх бүх шаардлагыг хангаж байх ёстой бөгөөд шаардлага хангасан бол “**Тийм**” хийгдээгүй буюу хийгдсэн боловч шаардлага хангахгүй байгаа бол “**Үгүй**” хэсгийг тэмдэглэнэ.

АШИГЛАСАН МАТЕРИАЛЫН ЖАГСААЛТ

- Монгол Улсын үндсэн хууль
- Хог хаягдлын тухай хууль;
- Замын хөдөлгөөний аюулгүй байдлын тухай хууль;
- Монгол Улсын замын хөдөлгөөний дүрэм;
- Энгийн хог хаягдлыг ангилах, цуглуулах, тээвэрлэх, дахин боловсруулах, сэргээн ашиглах, устгах, булшлах үйл ажиллагаанд тавигдах ерөнхий шаардлага /Байгаль орчин, аялал жуулчлалын сайдын 2018 оны 11 дүгээр сарын 17 өдрийн А/443 дугаар тушаал/;
- Гадна зар сурталчилгаанд тавих шаардлага /Нийслэлийн иргэдийн төлөөлөгчдийн хурлын 2016 оны 9/10 дугаар тогтоол/;
- БНБД 31-03-03 Олон нийт, иргэний барилгын норм ба дүрэм;
- БНБД 32-01-06 Хот суурины гудамж, зам төлөвлөлтийн норм ба дүрэм;
- БНБД 30.01.04 Хот тосгоны төлөвлөлт, барилгажилтын норм ба дүрэм;
- БНБД 3.01.06-09 Барилгын орчны тохижилтын ажил;
- MNS 5025:2020 Авто үйлчилгээнд тавих. Ерөнхий шаардлага;
- MNS 5342 Авто зогсоол. Ангилал ба ерөнхий шаардлага;
- MNS 5021 Худалдааны газар, түүний үйлчилгээ, ерөнхий шаардлага;
- MNS 5011 Авто тээврийн хэрэгслийн техникийн байдлын үзлэг хийх заавар, ерөнхий шаардлага;
- MNS 5347 Автомашины угаалгын үйлчилгээ. Ангилал Ерөнхий шаардлага;
- MNS 4596 Авто замын тэмдэг, тэмдэглэл, гэрлэн дохио, хашилт, чиглүүлэх хэрэгслүүдийг хэрэглэх дүрэм;
- MNS 4597 Авто замын тэмдэг. Техникийн ерөнхий шаардлага;
- MNS 4759 Авто замын тэмдэглэл. Техникийн ерөнхий шаардлага;
- MNS 5537 Хэрэглэгчдэд зориулсан үйлчилгээ. Автозамын дагуух үйлчилгээний байгууламж, үндсэн шаардлага;
- UCS 0902B:2022 Тээврийн хэрэгслийн ил зогсоолыг төлөвлөх, байгуулахад тавигдах ерөнхий шаардлага;
- UCS 1201B:2022 Худалдаа үйлчилгээний газрын гадна орчны ерөнхий шаардлага;
- UCS 1703A:2022 Аюултай хог хаягдлын менежмент;
- Simoniz- Carwash building and equipment maintenance training
- Capital regional district-Environmental Regulations and Best Management Practices Vehicle Wash Operations in the Capital Region